



Broj:02-11.15-2530-4/24
Datum: 4.11.2024. godine

Na temelju člana 64. stav 1. tačka b) i člana 70. stava 1. i 3. Zakona o javnim nabavkama Bosne i Hercegovine („Sl. glasnik BiH“, broj 39/14 i 59/22) na Preporuku Komisije za javne nabavke broj:02-11.15-2530-3/24 od 28.10.2024. godine, putem konkurentskog zahtjeva za dostavljanje ponuda u postupku javne nabavke: *Nabavka usluga fizičke i tehničke zaštite zgrade općinske administracije*, općinski načelnik **d o n o s i**:

ODLUKU o izboru najpovoljnijeg ponuđača

Član 1.

Prihvaća se Preporuka Komisije za javne nabavke broj: 02-11.15-2530-3/24 od 28.10.2024. godine i okvirni sporazum za javnu nabavku: *Nabavka usluga fizičke i tehničke zaštite zgrade općinske administracije*, dodjeljuje se ponuđaču **OPFOR SIGURNOST d.o.o. Travnik**, za ponuđenu cijenu od **45.524,00 KM bez PDV-a** kao najbolje ocijenjenom ponuđaču.

Član 2.

Prijedlog okvirnog sporazuma o nabavci dostavit će se na potpis izabranom ponuđaču najkasnije u roku od deset dana od dana obavještanja učesnika postupka o izboru najpovoljnijeg ponuđača.

Član 3.

Ova odluka stupa na snagu danom donošenja i objavit će se na web stranici ugovornog organa, istovremeno sa upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj:02-11.15-2530/24 od 16.10.2024. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 45.600,00 KM.

Komisija za javne nabavke imenovana je Rješenjem broj: 02-11.14-682/24 od 18.3.2024. godine.

Obavještenje o nabavci broj: 914-7-2-29-3-22/24 objavljeno je na Portalu javnih nabavki dana 16.10.2024. godine, zajedno sa tenderskom dokumentacijom.

Komisija za javne nabavke je izvršila javno otvaranje blagovremeno zaprimljenih ponuda i sačinila Zapisnik o otvaranju ponuda broj: 02-11.15-2530-2/24 od 28.10.2024. godine.

Komisija za javne nabavke je dana 4.11.2024. godine dostavila Izvještaj o radu i Preporuku o izboru najpovoljnijeg ponuđača broj 02-11.15-2530-3/24 od 28.10.2024. godine u postupku javne nabavke: *Nabavka usluga fizičke i tehničke zaštite zgrade općinske administracije.*

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da su ukupno pristigle tri ponude,
- da su blagovremeno zaprimljene tri ponude,
- da nije bilo neblagovremeno zaprimljenih ponuda
- ponude ponuđača AE-SIGURNOST d.o.o. Zenica i P.R. SIGURNOST d.o.o. Bugojno su nepravilne u pravnom smislu u skladu sa tenderskom dokumentacijom, Zakonom o javnim nabavkama i podzakonskim aktima iz oblasti javnih nabavki, te im se ne dozvoljava dalje učešće u toku postupka i predviđenoj E-aukciji
- ponuda ponuđača OPFOR SIGURNOST d.o.o. Travnik je prihvatljiva u pravnom i tehničkom smislu u skladu sa tenderskom dokumentacijom, Zakonom o javnim nabavkama i podzakonskim aktima iz oblasti javnih nabavki, te joj se dozvoljava dalje učešće u postupku.

Uvidom i detaljnim pregledom dostavljenih i zaprimljenih ponuda AE-SIGURNOST d.o.o. Zenica i P.R. SIGURNOST d.o.o. Bugojno, Komisija Ugovornog organa je konstatovala sljedeće:

- **AE-SIGURNOST d.o.o. Zenica**

Ponuđač je nepravilno popunio Obrazac za ponudu koji je dat u Prilogu 1. tenderske dokumentacije broj: 02-11.15-2530-1/24 od 16.10.2024.godine.

Naime, Ugovorni organ je navedenom tenderskom dokumentacijom u predmetnom Obrascu za ponudu tačkom 5. propisao sljedeće:

„ 5. Naša ponuda važi _____ dana (minimalno 90 dana, broj dana se upisuje i broječano i slovima, a u slučaju da se razlikuju, validan je rok važenja ponude upisan slovima). “

Ugovorni organ je jasno propisao da se važenje ponude upisuje i brojevima i slovima, a u slučaju da se razlikuju validan je rok važenja ponude upisan slovima.

Dakle, onako kako je i propisano u samom obrascu za dostavljanje ponude, koji je sastavni dio Aneksa II Uputstva za pripremu modela tenderske dokumentacije i ponuda („Službeni glasnik BiH“, br.90/14 i 20/15), gdje je u okviru tačke 5. predviđeno da se broj dana ili mjeseci važenja ponude upisuje i broječano i slovima, a u slučaju da se razlikuju validan je rok važenja ponude upisan slovima.

Međutim, ponuđač AE-SIGURNOST d.o.o. Zenica upisao je samo brojevima važenje ponude u predmetnom Obrascu za ponudu, odnosno nije ispoštovao odredbu o upisivanju podataka i slovima, a što je pak sve vidljivo i konstatovano na strani 7 njegove dostavljene ponude.

• **P.R. SIGURNOST d.o.o. Bugojno**

Ponudač je nepravilno popunio Obrazac za cijenu ponude koji je dat u Prilogu 2. tenderske dokumentacije broj: 02-11.15-2530-1/24 od 16.10.2024.godine.

Naime, Ugovorni organ je tačkom 5.1. podtačkama 5.1.4. i 5.1.5. navedene tenderske dokumentacije propisao sljedeće:

„ 5.1.4. Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti urađene na način da su vidljive i potvrđene potpisom i pečatom ponuđača ,uz navođenje datuma ispravke.

5.1.5. Ispravke moraju biti vidljive i ne smiju se raditi korektorom, korektivnom trakom i drugim korektivnim priborom. Ispravke se trebaju vršiti na sljedeći način: neizbrisivom tintom , jednom linijom precrtati broj ili tekst koji se ispravlja, pored koga treba izvršiti novi upis, te staviti potpis i pečat ponuđača i datum ispravke, u suprotnom ponuda će biti odbijena “

Također, ispravke u ponudi od strane ponuđača definisane su i tretiraju se članom 18.stav (1) pod m) Uputstva za pripremu modela tenderske dokumentacije i ponuda („Službeni glasnik BiH“, br.90/14 i 20/15):

m) podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke.

Uvidom u dostavljenu ponudu od strane ponuđača P.R. SIGURNOST d.o.o. Bugojno (strana 4) i to u Obrazac za cijenu ponudu pod tačkom 3. „Noćni obilazak“ u dijelu gdje je definisano „UKUPNO (bez PDV-a): “ , jasno je konstatovano da je pomenuti ponuđač vršio ispravku ranije unesenog podatka i to na način da je prvonavedeni broj „brisao“ precrtavanjem/šaranjem hemijskom olovkom , dok je naredne brojeve ispravljaao na način da je preko istih upisivao novounesene brojeve i to podebljavanjem hemijskom olovkom, a sve navedeno je urađeno bez potpisa i pečata ponuđača i bez navođenja datuma izvršene ispravke.

Dakle, ispravke u ponudi nisu urađene u skladu sa naprijed navedenim odredbama tenderske dokumentacije i podzakonskim aktom, te je Ugovorni organ jasno propisao da će u takvim slučajevima ponude biti odbijene.

Članom 53. stav (1) Zakona o javnim nabavkama („Službeni glasnik BiH“, broj 39/14 i 59/22), propisano je kako je Ugovorni organ dužan pripremiti tendersku dokumentaciju u skladu s odredbama ovog zakona i podzakonskim aktima. U tenderskoj dokumentaciji ugovorni organ daje potpune informacije o uslovima ugovora i postupku dodjele ugovora, a koji su kandidatima/ponuđačima dovoljni za pripremu zahtjeva za učešće, odnosno ponuda na stvarno konkurentskoj osnovi.

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (4) tačka i) Zakona o javnim nabavkama propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

Tačkom 5.1.1. tenderske dokumentacije je propisano da su ponuđači obavezni da pripreme svoje ponude u skladu sa kriterijima i uslovima koji su utvrđeni u TD.

Naprijed navedeni članovi Zakona o javnim nabavkama su osnov za odbacivanje ponuda navedenih ponuđača.

Kako su ponuđači AE-SIGURNOST d.o.o. Zenica i P.R. SIGURNOST d.o.o. Bugojno dostavili ponude koje nisu potpune i kompletne i koje nisu u skladu sa odredbama Zakona o javnim nabavkama BiH, podzakonskim aktima i zahtjevima Ugovornog organa definisanim tenderskom dokumentacijom, Komisija ugovornog organa smatra da su takve ponude nepravilne, te se navedeni ponuđači isključuju iz učešća u daljem toku postupka.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, općinski načelnik nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene kako slijedi:

| | Naziv ponuđača | Ponuđena cijena (bez PDV-a) za okvirni sporazum |
|----|-----------------------------------|--|
| 1. | OPFOR SIGURNOST d.o.o. Travnik | 45.524,00 KM |

Iz navedenih razloga, primjenom člana 64. stav 1. tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- Ponuđačima,
- a/a.



Općinski načelnik
Sead Čaušević, prof.